

Sel Prestuhn
Dieter F. Uchtdorf

Mwet in Kahsruh Ahk Luo ke
Prestuhnsi Se Met



Efuh Kuht Enenuh Mwet Pahluh uh?

Ke srihpen Pahpah Lucng El luhngse tuhlihk Nahtuhl, El tiac lwelah kuht in fahsr ke moul se inge ac tiac eis kolyuck ac kahsruh. Mwe luti luhn Pahpah tuhmasr Inkuhsrao tiac oacna sie, palyeyuck, kuh kuh in sukoyak lun sie puk ma kom kuh in sruhwack oasr ke stoh in puk ah. Ma inge pa mwe lahlmwetmwet luhn kuh nuh kwewa, etuh nuh kwewa luhn Mwet celestial suc luhngse tuhlihk Nahtuhl. Oasr ke kahs Lal pa sie ma lukmac luhn pacl uh—ki nuh ke mwe engan ke moul sie inge ac ke facluh se tok uh.

Pahpah Lucng el ahkkahlwemye lahlmwetmwet se inge nuh sin tuhlihk Nahtuhl fin facluh sin mwet kuhlwacnsap Lal mwet pahluh uh (liye Amos 3:7). Ke pacl lal Adam ah, God El sramsram nuh sin tuhlihk Nahtuhl sin mwet suleyucklac suc eis kunohkohn is ahkkahlwemye luhngse Lal ac kahsruh nuh sin mwet sahyac uh. Mwet pahluh uh pa mwet luti mokleyuck ac pacl nuh kwewa pa mwet loh sacohk luhn Jisus Kraist (liye D&C 107:23). Mwet pahluh uh tiac sramsram nuh sin mwet ke pacl laltahl muhkwen, tuhsruhktuh elos sramsram nuh sin mwet uh ke pacl nuh kwewa. Puhsracltahl oasr ke fihl nuh kwewa in oacna fahkwack se ke luhngse luhn God nuh sin tuhlihk Nahtuhl.

Mihsenge tiac sielacna liki pacl somlah ah. Leum El

tiac luhngse yohk mwet met ah liki mwet ke pacl lasr uh. Sie pweng wolacna ke Sifilpac Fohlohkohnwack luhn Alu luhn Jisus Kraist pa God El tahfwelah in sramsram nuh sin tuhlihk Nahtuhl! El tiac wihklac inkuhsrao tuhsruhktuh el sramsram mihsenge oacna El oruh ke pacl emet ah.

Inkaiyacn ma Leum el ahkkahlwemye nuh sin mwet pahluh Lal uh pa in tulokihnyac ahsor nuh sesr kais sie ac luhn un mwet uh. Ke God el sramsram uh, El oruh in luti, kol, ahksuwohsye, ac kai tuhlihk Nahtuhl. Ke pacl kais sie ac un mwet uh lusrong ahkuhtweyac luhn Pahpah tuhmwactahl Inkuhsrao uh, eltahl oruh na pwacye ke sensen luhn ma upac, kweok, ac kwemkahtuh.

God El luhngse tuhlihk nuh kwewa Nahtuhl. Pa inge srihpac se El oaru in ngihsre sesr sin mwet pahluh Lal. Oacna ke kuht luhngse ma in wo nuh sin mwet kuht luhngse uh, Pahpah Lucng el luhngse ma in wo nuh sesr. Pa oruh ahkuhtweyac Lal uh arulacna yohk srihpac ac kuhtuh pacl uh elyah. Pa oruh El tiac siskuhtlac mihsenge a tahfwelah na in ahkkahlwemye luhngse Lal nuh sesr sin mwet pahluh Lal uh. Ma ac fah sikyak nuh sesr ac facluh lasr wiwi na lohngyac ac ukweyanc kahs ahkkahlwemyeyuck sin God nuh sin tuhlihk Nahtuhl.

Ahkuhtweyac sacohk luhn God nuh sin mwet nuh kwewa sukokyak ke Pwacpuhl, Puk luhn Mormon, ac Doctrine and Covenants, ac Pearl of Great Price. In weacng, Leum el sramsram nuh sesr sin mwet kuhlwasnsap Lal, ac El fah sulphac ke toeni luhlahp fahsruh uh.

Nuh sin mwet nuh kwewa suc motko fin ma inge kuh in sikyak—suc ma ac siyuck, “Kuh ac kuh God lacn sramsram nuh sesr mihsenge?”—ke insiyuck nohfohn nga suli kom in “tuhkuh ac liye” (John 1:46). Riti kahs luhn God oacna ke sukokyak ke ma suhmuhslah uh. Lihpsre toeni luhlahp ke insroac se ma luhngse lohng puhsrwen God utuckuh sin mwet pahluh Lal ke lwen-sahflah uh. Tuhkuh, lohng, ac liye ke insiyom! Ke kuht suk ke insiyac pwacye, ke kena pwacye, ac oasr luhlalhfongi ke Kraist, el ac fah use ma pwacye ke ma inge nuh sesr ke kuh luhn Nguhn Muhtahl (liye Moroni 10:4). Ke kuh se inge, nga etuh lah Jisus Kraist el moul ac kol Alu Lal sin mwet pahluh suc moul, oacyacpac Prestuhn Thomas S. Monson.

Tamuhlwel ac tahmtahel, God El sramsram nuh sesr mihsenge. Ac El kena tuh tuhlihk nuh kwewa Nahtuhl in lihpsre ac ukwe Puhsrwacl. Ke kuht oruh ohinge uh, Leum el ac fah ahkinsewowoye ac kahsrwe kuht yohk, kwewana ke moul se inge ac ke facluh se tok uh.

MWET FUHSR

Kolyuck Sin sie Mwet Pahluh Moul

Sel Christy Ripa

Ke nga matwac yac 16 ah, nga eis pacl wo luhk in wi toeni luhlahp ke pacl se emet luhk. Sucu luhk ah muhta western Oregon, USA, ac kuht kahsrusr nuh Utah in wi toeni ac in us tamuhlwel mahtuh se wiyuck nuh ke yen in ahkpah luhn misineri ac.

Nga som nuh ke toeni sac ke kena yohk in lutiyuck sin Nguhn Muhtahl. Sahflahiyac ah, nga eis sie kahlwem sin Nguhn ma nga kuh in tiac eis nga fin tiac ahkoeyuc-lac sifacna.

Ke sie toeni ac, mwet nuh kwewa tuyak ac yuck on alu soko, “Guide Us, O Thou Great Jehovah.” Ke kuht on ah, puhla se sunyuc in ngwetngwet liye Lohm in Toeni Luhlalhp sac. Nga puhla nguhnnguhn ke insese luhn mwet tausin we ah ke kuht nuh kwewa lihksreni on kaksyakihn God.

Na nga puhlakihn ke nga puhla oacna Nephi ke el liye aruhrruhma se ke sahk luhn moul, ke Nguhn sac fahk nuh sihk, “Ngwetma” (liye 1 Nephi 11–14). Nga ngwetwacng nuh sel Prestuhn Thomas S. Monson ac puhla lah insese luhn Alu uh oasr ke srihpen kuht kolyuck sin mwet pahluh moul se. Ke mwe loh luhn Nguhn Muhtahl, nga etuh lah Prestuhn Monson pa mwet pahluh pwacye ke pacl lasr uh, ac nga etuh lah Jisus Kraist El kol Alu se inge kacl.



Luhlahlfongi, Sucu, Kahsruh

Tuhlihk Muhtwacn ke Tohkohsrahi Luhk

Lutlutkihn kuhfa inge, ac ke pacl fal, sramsramkihn yurin tahmtahel ma kom muhtwacn nuh yohroh an. Orekmakihn kihsen siyuck an in kahsrwe kom ahkkweye tahmtahel wiyom an ac in orwacлах ip fokoko se ke U in Kahsruh luhn Muhtwacn ke moul lom sifacna an.

Kuht pa tuhlihk muhtwacn nuhtin Pahpah tuhmasr Inkuhsrao. El etwe kuht, luhngse kuht, ac oasr plwacn Lal nuh sesr. Ipin plwacn se inge pa in tuhkuh nuh facluh in luti in sulacлах ma wo fin ma koluk. Ke kuht sulwacлах in karihngihn masap luhn God uh, kuht ahkfuhlwactyacl ac tuhkahkihn kuht tuh kuht tuhlihk muhtwacn nuhtin God. U luhn Muhtwacn in Kahsruh uh kahsrwe kuht in esam ma muhtahl se inge.

U luhn Muhtwacn in Kahsruh ac sramsram mahtuh kac uh ahkkweye ac tahpuhk kuht. Julie B. Beck, prestuhn luhlahp luhn U luhn Muhtwacn in Kahsruh, el fahk: "In oacna tuhlihk muhtwacn nuhtin God, kowos ahkoo nuh ke pakpuck ma pahtpaht, ac kais sie suwos oasr luhmah se, ohiyac se, ac ma kunwacn muhtwacn se yohroh. Orwacлах wo luhn sucu, acn, Alu sie inge, ac plwacn sacohk luhn molwelah uh wiwina luhlahlfongi lom an. . . [Pahpah Tuhmasr Inkuhsrao] El orwacлах U luhn Muhtwacn in Kahsruh in kahsruh muhsahi mwet Lal ac ahkoelos-lac nuh ke mwe insewowo luhn tempuhl. El akiyac [U luhn Muhtwacn in Kahsruh] in ahksuwohsyeh tuhlihk muhtwacn Nahtuhl ke

orekma Lal ac in eis kahsruh laltahl in muhsahi tohkohsrahi Lal ac ahkfokokoye lohm sin Zion."¹

Pahpah tuhmasr Inkuhsrao El acse nuh sesr kain orekma se in kahsruh muhsahi Tohkohsrahi Lal. El oacyacpac use mwe insewowo luhn mwe sang ke ip luhn nguhn kuht enenuh in orwacлах kain orekma se inge. Ke U luhn Muhtwacn in Kahsruh, oasr pacl wowo lasr in orekmakihn mwe sang lasr in ahkfokokoye sucu uh, kahsruh mwet suc enenuh kahsruh, ac lutlutkihn ohiyen moul oacna sie mwet tuhma lutlut luhn Jisus Kraist.

Prestuhn Dieter F. Uchtdorf, Mwet in Kahsruh Ahkluo ke Prestuhnsi Se Met, fahkwack ke mwet tuhma lutlut: "In mong fihsracsr in fahsr ke inkacnek luhn mwet tuhma lutlut uh, kuht srihkacack nuh sesr sifacna luhpan luhlahlfongi ac kena lasr in insese nuh ke luhngse luhn God liki na luhngse lasr."²

Lwelah kuht in esam lah kuht pa tuhlihk muhtwacn nuhtin God ac srihke in moul oacna sie mwet tuhma lutlut Lal. Ke kuht oruh ohinge uh, kuht kahsruh muhsahi tohkohsrahi luhn God inge fin fac-luh ac nwacsnwacslah in fohlohk nuh Yohrohl.

Ke Ma Mahtuh Lasr

Ke Eprel 28, 1842, Mwet Pahluh Joseph Smith el fahk nuh sin tahmtahel ke U luhn Muhtwacn in Kahsruh ah: "Ingena kowos oasr ke ohiyac ma kowos kuh in oruh ke pahkomuhta ma God El sang nuh [suwos]. . . . Kowos fin ahkfalye moul lowos an, lihpufacn uh tiac kuh in tilokihnyucki in wi kowos."³

Akihlen kuh ke U luhn Muhtwacn in Kahsruh in kuhlwacn-sapuh mwet sahyac ac in kahsruh kais sie mwet in ahkyohkye luhlahlfongi, Zina D. H. Young, prestuhn luhlahp ahktolu luhn U luhn Muhtwacn in Kahsruh, el olwelah nuh sin tahmtahel uh ke 1893, "Kowos fin suk ke loaliyen insiyowos sifacna kowos tuh-fah konwacack, ke kahsruh ke Nguhn luhn Leum, mwe sang sacohk-lacna, fahkwack luhlahlfongi ke orekma se inge."⁴

MWE KAHSRUH

1. Julie B. Beck, "Daughters in My Kingdom": The History and Work of Relief Society," *Liahona*, Nohfuhmpuh 2010, 112, 114.
2. Dieter F. Uchtdorf, "The Way of the Disciple," *Liahona*, Mei 2009, 76.
3. Joseph Smith, ke *History of the Church*, 4:605.
4. Zina D. H. Young, "How I Gained My Testimony of the Truth," *Young Woman's Journal*, Eprel 1893, 319.

Ke Ma Suhmuhsлах uh

Zechariah 2:10; Doctrine and Covenants 25:1, 10, 16; 138:38–39, 56; “Sucu: Sie Mwe Fahkwack nuh fin Facluh” (*Liahona ac Ensign*, Nohfuhmpuh 2010, 129)

Meac Nga Kuh In Oruh?

1. Nga kuh in kahsruh tahmtahel wiyuck uh fuhkah in sun kuhiyac-los in oacna tuhlihк muhtwacn nuhtin God?

2. Nga kuh in orekmakihn fuhkah nuh ke mouл luhk uh kahs in kahsruh ac ma kalyeyuck nuh sin muhtwacn uh ke Doctrine and Covenants 25?

Nuh ke kuhtuh pac ma in etuh, som nuh ke www.reliefsociety.lds.org.

© 2012 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/11. Ahkkweyeyucklac ke lweng: 6/11. Lwenglah luhn *Visiting Teaching Message, March 2012*. Kosraean. 10363 868